БОГОТ ТУМАНЛАРАРО ИҚТИСОДИЙ СУДИНИНГ А Ж Р И М И

(даъво аризани кўрмасдан қолдириш тўғрисида)

Боғот тумани

2025 йил 09 январь

Боғот туманлараро иқтисодий суди судьяси А.Турақулов раислигида, судья ёрдамчиси У.Зарипов котиблигида Тупроққалъа туман фермер, деҳқон хўжаликлари ва томорқа ер эгаллари кенгаши "Малика Моҳижон" фермер хўжалиги манфаатида жавобгар "Тупроққалъа техтил" масъулияти чекланган жамияти ҳисобидан 88 786 090 сўм асосий қарз, 44 393 045 сўм пеня жами 133 179 135 сўм ундириш тўғрисидаги даъво аризаси бўйича ишни даъвогар вакили А.Полвонов (шахсий маълумотнома асосида) иштирокида, жавобгар вакили иштироксиз суд биносида очиқ суд мажлисида кўриб чиқиб, қуйидагиларни

АНИКЛАДИ:

Тупроққалъа туман фермер, деҳқон хўжаликлари ва томорқа ер эгаллари кенгаши "Малика Моҳижон" фермер хўжалиги манфаатида жавобгар "Тупроққалъа техтил" масъулияти чекланган жамияти ҳисобидан 88 786 090 сўм асосий қарз, 44 393 045 сўм пеня жами 133 179 135 сўм ундиришни сўраган.

Суд мажлисида иштирок этган даъвогар вакили ушбу иш бугунки суд мажлисида кўрилаётганлиги билдириб қонуний қарор қабул қилишни сўради.

Жавобгар вакиллари ишни кўриш вақти ва жойи тўғрисида тегишли равишда хабардор қилинган бўлса-да, суд мажлисига иштирок этишмади.

Бундай холда суд ишни Ўзбекистон Республикаси иктисодий процессуал кодексининг 128, 170-моддаларига асосан жавобгар вакилининг иштирокисиз кўриб чикишни лозим деб хисоблайди.

Суд даъвогар вакилларининг тушунтиришларини эшитиб, иш хужжатларини ўрганиб чиқиб, мухокама қилиб, куйидагиларга асосан ариза талаби бўйича кўрмасдан қолдиришни лозим топди.

Аникланишича, Тупроққалъа туман фермер, деҳқон хўжаликлари ва томорқа ер эгаллари кенгаши "Малика Моҳижон" фермер хўжалиги манфаатида жавобгар "Тупроққалъа техтил" масъулияти чекланган жамияти ҳисобидан 88 786 090 сўм асосий қарз, 44 393 045 сўм пеня жами 133 179 135 сўм ундириш тўғрисидаги даъво аризаси юзасидан Боғот туманлараро иқтисодий судида тўловга қобилиятсизлик тўғрисидаги иқтисодий иш мавжудлиги аникланган.

Мазкур холатда суд Ўзбекистон Республикаси Иктисодий процессуал кодекси (кейинги ўринда — ИПК деб юритилади)нинг 107-моддаси 1 бандида фукаролик ишлари бўйича суд, иктисодий суд, хакамлик суди, арбитраж суди иш юритувида айни бир шахслар ўртасидаги, айни бир предмет тўгрисидаги ва айни бир асослар бўйича низо юзасидан иш мавжуд бўлса, даъво аризасини кўрмасдан колдирилиши баён этилган.

Шунинг учун суд, Тупроққалъа туман фермер, деҳқон хўжаликлари ва томорқа ер эгаллари кенгаши "Малика Моҳижон" фермер хўжалиги манфаатида

жавобгар "Тупроққалъа техтил" масъулияти чекланган жамияти ҳисобидан 88 786 090 сўм асосий қарз, 44 393 045 сўм пеня жами 133 179 135 сўм ундириш тўғрисидаги даъво аризаси кўрмасдан қолдиришни, даъвогар томонидан олдиндан тўлаб чиқилган 37 500 сўм почта харажати ўз зиммасига қолдиришни лозим топди.

Ўзбекистон Республикаси Иқтисодий процессуал кодексининг 107-моддаси 1-банди қўллаб, суд

ажрим қилди:

Тупроққалъа туман фермер, деҳқон хўжаликлари ва томорқа ер эгаллари кенгаши "Малика Моҳижон" фермер хўжалиги манфаатида берган даъво аризаси кўрмасдан қолдирилсин.

"Тупроққалъа техтил" масъулияти чекланган жамияти томонидан олдиндан тўлаб чиқилган почта харажати ўз зиммасига қолдирилсин.

Ажрим нусхаси тарафларга юборилсин.

Мазкур ажримдан норози тараф бир ойлик муддат ичида шу суд орқали Хоразм вилоят судининг иқтисодий ишлар бўйича судлов ҳайъатига апелляция тартибида шикоят қилиши (прокурор протест келтириши) мумкин.

Судья А.Турақулов

